

種痘新書卷之五

面部圖


種痘新書卷之五

西銘受

汀郡寧陽張

燦

面分八卦之圖



五臟面之位圖



心主印堂脾靈
左肝右肺腎榮
耳鼻腮先見點



吉面痘之位圖



坎面言出定然凶
艮宮報點三分數
震位出痘喜匆匆
巽上見標真是險
坤爲逆症治無功
惟有兌中眞個喜
順逆分明八卦中

圖之部面痘凶

凡痘圖凶痘先出俱能閉毒初見急宜去之



兩顴及眼上下先
出吉唇口兩旁出
吉元壽人乍先出
最吉天庭太陽承
漿先出凶惡之上
下二位水火交攻
之處先出必凶初
見以燈烙之可減
二分之痘

面部訣

一看天庭并太陽
二看唇口舌尖方
三看梁上梁下穴
四看喉吻定陰陽
五看諸陽觀氣色
六看週圍八卦方
仔細推尋依法斷
神仙妙道自非常
天庭太陽若明朗
此痘縱變也無妨
二部痘瘡如慘暗
十個孩兒九個亡
喉吻之中怕痘多
再加黑陷死來磨
飲食挫喉難下嚥
七朝端的夢南柯
舌尖一穴統心經
痘瘡紫黑令人驚
再加舌有黑疔見
此兒三口見閻君

論部位

痘瘡初出紅點先察部位可知吉凶蓋人之面部左顧屬軀士

也。右顙屬肺金也。天庭屬心火也。地角屬腎水也。準頭屬脾土也。正額者太陽脉之所會。唇頰者陽明脉之所經。兩耳後邊少陽脉之所過。痘爲陽毒故隨陽而先見之于面也。但陽明者胃與大腸所經之地故先于口鼻兩傍人中上下腮耳元壽之間先出者吉。若太陽者水火交戰之處。少陽者水火相併之衝故其位而先見者凶。其起漿收靨亦皆如是。至于頭乃諸陽聚會之處。面爲五臟精華之府。咽乃飲食之道路。喉爲呼吸之要區。胸背爲心肺所居之地。此五處最宜稀疏切嫌稠密。蓋頭顙多者謂之蒙頭。喉頸多者謂之鎖項。胸背多者謂之臑胸。覆者是皆險逆之症也。大抵蒙頭則視聽廢而陽易絕。頸項則飲食艱。

而氣易衰。蒙胸覆背則臟易傷而神易失。所以皆爲難治也。他如兩頰兩頤亦要界地清而顆粒明。若成一片如塗酥者此肝熱盛而尅脾肺留毒而內壅。其後必來泄瀉而至喘嗽痰鳴。惟有四肢無碍雖多亦不爲凶。以上諸症若見治之之法要清熱解毒疎通榮衛調和表裏使血活氣行而能宣毒化毒庶無乾枯紫黑之虞。症之重者亦可輕矣。

辨放標不必拘部位

標者初見之點也。部位者臟腑各部之位也。天庭屬心地角屬腎左顴屬肝右顴屬肺元壽屬于脾胃古謂承漿見點乃腎經出痘爲不可治天庭見點乃心經出痘亦凶惟兩頰及腮準頭

見點最吉此其所以然者蓋痘毒原于相火發于俞門理宜由相火以傳君火自君火再傳肝肺與脾毒之輕者其勢必緩循序而出猶源泉之水盈科後進必傳之肝肺始見點也故兩顴及鼻見點者吉若毒之盛者一湧而出若決江河不由科坎其毒一發故即見于腎位次即見于心經此其所以爲凶也然毒之盛者多在發熱一二日即出或一齊湧出若熱來和緩至三四日始報點點出又甚粗肥則雖報于坎離二宮亦無妨若報太速或隱于皮下瑣屑稠密或一片紅毡雖兩顴報點亦爲凶也

五臟見症治法

五臟見症

五臟者肝肺心腎與脾也。痘疹之毒發于五臟故五臟而皆見症。第取其尤者而治之。庶毒不變于其臟。其臟乃不傷耳。如肝症甚則用藥宜走肝經。肺症甚則制方宜平肺。腑其餘則兼理之。斯可矣。試舉各經而條陳之。

心屬火。火性上炎而爲陽。故其位居于天庭。方廣之區。痘出而天庭稠密則心經之毒盛無疑。法當清心而解毒。其麥冬連喬黃連硃砂不可不用。且心爲藏神之舍。而謔語狂言搖頭驚搖皆是心家之症。然虛寔不同。又不可以概論。如初發之時多爲寔熱。屬寔熱者其唇必紅。其舌有苔。目多上視。口必渴飲。此火燥而神昏亂也。必宜清解爲主。然心與小腸相連。

而清心必須利水小便通而心火自降矣故清心之劑又宜
加以車前木通也若灌膿收靨之際或有狂譫驚悸此時定
是心虛治當補血寧心凡歸茸遠志在所必投況心爲生
血之源毒又附血而化治者宜觀痘色血熱則涼而活之血
衰則補而溫之又當審機觀變而治也然天庭是爲純陽
此處不可先收若滿面未靨而方廣先焦則火烈心灰此症
斷然莫救治之必致無功印堂若見黑點則胸前舌上定有
疔傷觀顯可知其隱又不可不詳也

腎屬水性就下而爲陰故其位居於承漿地角之地痘出而
唇下光明知其液精充足雖多亦可無虞地角若形焦紫則

其腎源將竭痘瘡何以成膿再或兼之腰痛則爲腎敗無疑
雖治亦爲難救然不忍袖手旁觀法祇滋陰補血方發之初
內服解毒養血之劑喬芴歸芎元枝故仲爲佳更以川甲雄
黃爲引外剖生雞以敷腰痛其亦或者能療出齊其痘不振
用猪尾血與人參又加麝香少許痘將有水則純用內托補
腎之藥而不可以緩也但承漿有黑點陰中必有疔此又不
可不知也若諸部未靨而地角先收則腎竭源枯其死必矣
縱有良醫奚能救乎倘陰囊腫脹則腎毒外洩不至內攻有
生理也見此且莫慌張只宜力爲托毒收靨之後再解膀胱
之熱以加味四苓散加喬芴則其腫自退矣

肝屬木而居左左顙是其位也兩頰紅而左顙尤甚者則肝熱盛而可知法當清肝化毒且肝以藏血血不榮活皆由毒鬱肝經治此之法而鬆肝活血爲宜故芍藥丹皮必用而柴胡生地宜施再加紅花紫草兼用紫花地丁則兩顙界地自明至于痘生水泡皆因肝盛尅土脾土不能制水故使水不成膿是削肝又爲承漿之妙用也但肝來尅土又有瀉青之症故健脾方中加用白芍則肝斂而泄自安况肝木又生心火木盛而火愈炎故驚風顛癇雖出心經必伐木而心火乃平矧肝統筋脚而司眼目或手足牽引目睛上吊皆是肝經風熱治此又必平肝至于立方之化裁全在良醫之妙用必見

其症乃設其方不可膠固而不通也

肺屬金而居右右顧是其位也。兩顧多而右顧更密者則肺經
毒盛。堪知但肺主皮毛。毒雖盛而藏亦淺。故兩顧報點總無
凶機。其見症也多在咽疼咳嗽。治之之法祇宜鬆肌解表。理
氣寬胸而桔梗陳皮芩連荊防爲可用。必痘盡出而咳漸減
痘起脹而嗽已除。則毒不留于肺。自是可以無虞。若治之不
早。至起脹而嗽愈甚。則毒疑于肺。勢必不可成。策迫至轉爲
聲啞。則肺氣將絕。其症亦云莫救。是又不可忽也。若寒戰亦
屬肺經虛寒。又宜詳辨。六日以前寒戰其或熱盛唇紅。必是
肺經熱甚。投以清金解表之藥。其症可以立除。七日以後寒

戰則肺寒。當補何疑。此際急施桂附。恐臟虛。痘致顛危。必寒退而肺乃安。但肺宜清而不宜斂。斂則腠理不通。而毒何由宣化。故未脹之時。而五味。柯子。凡斂肺之藥。不可先嘗。若漿成之候。恐肺虛。易中風寒。故炙芪諸品。須秘。腠以固肺。開治法。權衡斟酌。清補須要。因時始不至有悞也。

脾屬土而居中。元壽是其位也。此間見點百無一凶。但脾乃榮衛之樞。氣血賴其滋養。百骸悉望分糧。脾土堅強。則毒不下陷。且易成漿。脾胃若敗。則五臟立虛。毒氣須臾伏陷。症必至內攻。然痘毒方出之時。毒攻胃管。雖吐亦非胃弱。卽咬牙亦屬胃熱。此際雖爲胃熱。而石羔甘草。恐敗胃。亦不敢多投。

異痘

若或泄瀉毒奔騰治以安脾利水兼解毒四苓散得其宜假如秘結脾燥雖酒製大黃微利然亦不可猛攻恐傷脾土之元若灌膿之候純以健脾為主但木能尅土慮肝盛或致損脾故健脾又要平肝更念土雖尅水然水壅而土亦崩又宜疏通水道水洩而脾乃寧故止泄又當利水只有升水之時白朮淮山莫用恐土燥而水不升將屬尤宜土旺補脾自是良方前後治之得法用藥乃不差訛也

異痘類

怪

夫痘有吉凶症有生死吉者生而凶者死理固然也必先識其吉凶乃敢決其生死論痘豈可差訛况有似吉而凶似凶而吉

者尤不可不詳而辨之使學者庶不誤也

天根痘生

天根者諸痘不起惟天庭太陽起灌也蓋天庭乃諸陽之首此處若起則陽氣必旺將漸傳次而起十有九生陽氣爲痘根基天庭起者其根本固也故名天根而必生

天空痘死

天空者諸痘雖起天庭曉星不起也此必其陽氣已虧不能直灌于陽會之處卽諸部起者必漸剝落而成空瘡故天庭不起十有九凶其餘諸痘悉是虛花故曰天空

明朗痘生